

ادبیات عمومی و مخصوصه

هفته‌لق سیاسی، ادبی، علمی غزته‌در

جلد : ۳

سنه : ۲ ۱۳ ربيع الآخر ۱۳۳۶ جمعه ایرتسی ۲۶ کانون ثانی ۱۹۱۸ نومرو ۲۱—۵۲

غزل شاهانه

[فاضل محترم علی امیری افندی حضرتلری طرفندن اهدا بیورلمشدر :
یاوز سلطان سلیم خان حضرتلرینک شوغزل عاشقانه و شاهانه‌لری طوقپوشرای هایونی
کتبخانه‌سندن مأخوذدر.]

یار بزم ایتمک دیلر شاهانه بیرام ایرتسی
کم کم ایتسون شان آلوب خمخانه بیرام ایرتسی

روحه راحتلر باغشلر راح اولوب آب حیات
هجر لعلک صائی عطشانه بیرام ایرتسی

جان برجان سینه برسینه ولب برب دیلر
قانع اولماز بو کوکل برجانه بیرام ایرتسی

چون می‌نابه یساغ اولماز کورنسه ماه عید
دل دیلر لعلک میندن قانه بیرام ایرتسی

ساقیالب برب ایله جامی لعلک یادینه
صون برو نوش ایدلم مردانه بیرام ایرتسی

قاشلری عیدنده صاغلو صوللو خنجر طاقنوب
چشمی قان ایتمک دیلر مستانه بیرام ایرتسی

بولنگ از ککری اهلجی، قبل درلر. عزم و فطانتله کورلغی ایشلره قارشو غایت لایقید اولمقلرندن
آنجق خدمتکارلقی کی خصوصیات عادیله ایله تأمین میشت ایدرلر.

☆☆☆

دشکرک بونوع تأثیراته علق بر اکنجه سی نظریله باقیلور، بونکله برابر دشکرک روح،
حساستمزه قابلیتمز، اوزرنده کی تأثیراتیده تماماً انکار ایدیلمز. حیاته دشکرکی بررؤیا دینلر هیچده
آلدا ناملرلدر. بوآلر، سنجایلر، مورلر، صاریلر، قمرزیلر... برلشور، طوللا نوره ضیا
اولور، ضیا کاشاته نشوه، صحت، قوت، صاچار، افواج عضویه آرمسته کیر، چیچک، میوه،
قوش... یعنی حیات اولور.

ینه او ضیا، صباحرکه اقساملرک ملیدارلرجه حیات منشورلرندن مرکب بلوطلردن کچره تکرار
آیریلور، پارچه‌لور، آجیقلی قویولی، پنبه، ترشه، مائی، سنجایی بیکلرجه حزیماته داخیلور،
فجر، شفق و مهتاب اولور. فجر، شفق، مهتاب، حیات برلشور، ادراک اولور، ادراک کمال
بولور، عرفان اولور، او عرفانده بوتون وارلقی کی یانار بیت، تباه اولور، فقط بزم ایچین سون،
یقین او وارلقی محو اولماز. انشعاع ایدر، یکی وارلقار میدان کتیرمک اوزره عمان ابدیته دونر کیدر.
والحاصل وجود، عدم، خیال، حقیقت.... ادراک ایدمیلدیکنز وارلقار هب، هب قوتدن
مادهیه، ینه ماده دن قوته دوغری ازلدنبری دوام ایدن بوتوج و تحولاک صفحات متوسطه سندن
عبارتدر.

عبر الفیاضه توفیق

تاریخ حرب و سیاست

[۱۷ — ۲۲ کانون ثانی ۱۹۱۸]

مذاکرات صلحیه — روسیه اهلوالی — فرانسه — امروز محاربہ بحریه سی

(برهست - لیتووسق) صلح مذاکراتی دوام ایدیور. فقط اصل مذاکراته کیریشمزدن اول
حلی ایجاب ایدن برطاقم «مسائل متفرقه» طرفینی اشغال ایلدیور. بومسائلده ایوم آلمان و آوستریالیر
طرفندن تحت اشغاله بولنان واهالیسی روسیه دن افتراق واستقلال امللری اظهار ایلدمش بولنان
اراضینک روس مرخصلرنجه تخلیه سی طلب ایدلمه سی، آلمان و آوستریا مرخصلرنجه ده؟ عدم تخلیه خصوصنده
اصرار اولونماسی در. بومسئله لرده روسلرک آرتق تغدلرندن واز کچدکری کورولیور، کذلک اوقراینا هیئت
مرخصه سی ده روسلرجه تصدیق و قبول ایدلشدر. آرتق دوغریدن دوغریه مذاکرات صلحیه
کیریشله جکدر.

§ شوقدرکه (اوقراینا) هیئت مرخصه سی ایله اجرا ایدیلان مذاکرات صلحیه یک موجب ممنوئیتدر.
بومذاکرات نتیجه یه تقرب ایتشدر. دول مرکزیه هیئات مرخصه سی ایله اوقراینا هیئت مرخصه سی
آرمسند شیمدی یه قدر جریان ایدن مذاکرات نتیجه سنده عقد اولونه حق مصالحه نامه تک اساساتی
حقنده اتحاد حاصل اولشدر. بواساساته نظراً حال حربک نهایت بولش اولدیفی اعلان ایدیله جک و طرفینک

یکدیگری ایله حال صلح و مخاندیده یا شایه جقلى حقندہ کی قرار تأیید اولونه جقدر . جبهه ده یکدیگری قارشینده بولونان عسا کر عقد صلحی متعاقب کری آله جقدر . مذاکراته اشتراك ایدنلرک جمله سی در حال منتظم معاملات اقتصادی و حقوقیه کیریشلمه سی ایچون لازم کلن تدابیرک اتخاذه خصوصنده اتحاد ایتشلردر . دیپلوماسی و قونسلوسلق مناسباتی دخی ممکن مرتبه سربعا تأسیس اولونه جقدر . مصالحه نامه نك مهم خطوط اساسیه سنك تعیین ایدلش اوله سی ، هیئات مرخصه ایچون ، مملکتلرنده کی حائز مسئولیت مأمورین ایله تماس ایتک مجبوریتنی حصوله کتیرمشدر . مرخصلرک بر قسمی ، مذاکراتک طرز جریانی حقندہ مأمورین عائدہ سنه بالذات معلومات ویرمه و قرار لاشدیریلش اولان اساساته موافقتلری استحصاله لزوم کورمشلردر . بومناسبتله تحدت ایدجک فاصله مذاکراتک ممکن مرتبه قیصه دوام ایتیه سی خصوصنده هیئات مرخصه آرمننده اتحاد حصوله کلشدر . مرخصلردر حال (بردست - لیتووسق) ه عودت ایتکه وکندیلرینه اعطا اولونان صلاحیت دائرہ سنده مصالحه نامه بی عقد و امضا ایله مکہ قرار ویرمشلردر . بوضورتله شوجهان حربنه نهایت ویردجک ایلک صلح معاهده نامه سنی پک یاقینده سلاملامغه موفق اولاجنر دیمکدر .

مذاکرات صلحیه دوام ایدرکن ، روسیه ده درلو حادثات جریان ایدیور . روس خارجیه قومیسری مجلس مؤسسانک کشادی مناسبتیه ، (بردست - لیتووسق) دن پترسبورغه عودت ایتدی . فقط مجلس مؤسسان ، برکونلک بر موجودیتدن صوکره آتشله و قائل قاپادلی . (بولشویک) لر صلح مسئله سنده تعقب ایتدکاری خط حرکتی مجلسک تقدیر ایتک ایسته مه دیکنی کورونجه . اولجه ده مقرر اولدینی وجهاه - مجلسی فسخ و تعطیل ایتشلردر . بوه روسیه احوالی یکیدن آلت اوست ایتشدر . دیگر طرفدن تورکستانده طوپلانان مسلمان قونفره سی تورکستانک مستقل برجهوریت اولماسنه قرار ویرمشدر . دیمک که (فنلاندیا) و (اوکراین) دن صوکره برده تورکستان جهوریتی تشکل ایدیور .

بری طرفدن فرانسه دهده پک قریب وقایع جریان ایدیور . (قایو) نهایت تحت توقیفه آلدی . فقط بومسئله اطرافنده اودرجه کورولتی جریان ایدیور که ، (دره یفوس) مسئله سی بونک اننده کولکده قاله حق کی کورونیور . فرانسه اختلاله دوغری قوشارق کیدیور . اختلال شراره سی مجلس مبعوثاندن و حکومتدن سواقغه فیرلایه جقدر .

احوال حربیه یه کلنجه : هر طرفده سکون واردر . یالکن سینا جبهه مزده فعالیت کورولیور . برده آیک ۲۰ سنده یاووز ومدالی سفائن حربیه سیله طوریدولریمز بوغازدن چیقهرق ایروز طه سنه هجوم ایتشدر ، اوراده کی دشمن مؤسساتیه استاسیونلرینی کال موفقیتله بومباردمان و احراق ایتدکن وایی دشمن مونیطوریله بردشمن نقلیه سفینه سنی غرق ایتدن صوکره عودت ایله مشلردر . ومظفرانه وشانلی تعرضده ، عودت اثناسنده دشمنک طورپیل تارلاسنه دوشن مدالی قرووازوری برق اولش ، مرتباتی انکایز طوریدو مخربلری طرفدن طوپلانمشدر . دونانمانک دیگر اقسامی نلامتله چاناق قلعه یه عودت ایتشلردر .

انکایزلر تبلیغ رسیلرنده بوجسورانه و پارلاق تعرضی اعتراف ایله مشلردر .